

漢族客福史

著者 鄒魯  
張煊

國立中山大學出版部印行

# 漢族客福史目次

漢族客福史序

緒論

漢族客福之播遷一

漢族客福之播遷二

漢族客福之播遷三

漢族客福之播遷四

漢族客福之語言

漢族客福之土地

結論

漢族客福史目次

## 漢族客福史序

世而大同也。同胞物與。何辨乎種。更何辨乎族。然世未進大同。而又值由國家競爭進而為種族競爭時代。則不能不辨其種。尤不能不辨其族。辨之維何。蓋將聯其同族。結乃團體。振乃精神。以與異族競爭于優勝劣敗之天耳。非然者。自分畛域。猜忌分離。同族已為鷓蚌之相持。異族必為漁人之得利。以漢族處今日競爭集矢之秋。凡屬同族。同德同心。尙難免於劣敗之列。若稍存畛域。則種絕族滅之禍。旋踵即至。每一念及。為之悚然。溯漢族開土開疆。奠定中原以還。始而播衍於中國。繼而擴殖於南洋。雖地居不同。語言各別。初不過轉徙有前後。變化有鉅微。其同為漢族則一也。否則如苗獠黎僮之異族。自漢族繁殖之後。卽有存者。自為風俗。成歷史之遺物耳。何至於與漢族相混哉。乃近有著作。竟貿然不察。以客家福老語言之差異乎廣音。遂以客家福老為非漢族。且以老作佬。更有一二著作。以客家作哈加。抑何其慎

哉。夫以老作老。只見一書。謬妄人所共知。以客家作哈加。則始見於屠寄中國地理初二版。其後一二講授家。遂依此以編講義。屠寄之致誤。不過譯西書之音所致。而西書之有此名詞。則以其見中國南方。有稱後來之北人爲客家。遂以爲漢族之外。另有一種。屠寄譯書。未察由來。將客家之音。譯爲哈加。遂致此誤。其後已自知之。故三四版時。經自行刪改。今以平心論之。在此等著作之初心。謂其有意自分畛域。蹈兄弟鬩牆。當亦所無。而無稽之語。稍有識者見之。亦當不值一笑。實不容稍爲之辯。然恐以訛傳訛。萬一流于互相歧視。互相離異。至演成種滅族絕之禍。則涓涓之塞。又豈能已哉。此鄭張二子。所以據歷史。考經典。而編成此漢族客福史也。卽所以辨其爲同者。結乃團體。振乃精神。與異族競爭於優勝劣敗之天也。然則此編之旨。旣合同族以與異族競。則凡非同族者。皆在排拒之列乎。是又不然。蓋他族與漢族。久已相安。利害相共者。非特無外視之心。且有同儷之切。是則本書之旨也。書成求序于余。余以此編出於辨明漢族。聯合漢族。不得已之苦心。有合于陽明先生六經皆

聖賢不得已之言。故樂爲之序。但據編者云。學識已淺。此編之成。又在旅行中。書籍復少考據。簡畧脫漏之慮。原所自知。是則盛于高明之士。引而進之矣。是爲序。

宣統二年三月望日邱逢甲序于廣東諮議局

# 漢族客福史

鄒魯  
張煊 合著

## 緒論

楚南江右。閩粵滇黔。以及南洋羣島。安南暹羅緬甸等處。有客家福老焉。其聚族數千區。其佔籍數百姓。予嘗覘其人物。考其播遷之跡。與播遷之時。而知其出自世界第一名區之地。而為世界第一名族之人。因有感而言曰。嗚呼。稱嚴世界。稱人時代。吾不得見之矣。而思乎其次。則環球以上。最文明之種族。而為世界第一者。其漢旅之客家福老乎。奚以言之。世界文明之發達。莫不以中國為最早。而中國文明之歷史。莫不以唐虞三代為淵源。而客家福老之上祖。即莫不於是托始焉。所以循史林。達泉先生有言曰。唐虞三代之盛。吾不獲親矣。唐虞三代之遺裔。與其遺民。吾將于客焉遇之。於福也亦然。蓋當時中原民族。自福建而來。遂稱為福老。而福老之稱。原為河老。以其出自中原之河南也。客族亦出自河南之光州。至今客家之語言。猶



存光州之音調。因偶命名。客者土之對也。遂稱爲客家。夫中華文明最早。歷史最長。○時人稱爲世界文明之古國。河南居華夏之中。中國各省文明最著者。又莫河南若。○以河南古聖王建都最多之地也。夷考歷史。如太昊伏羲氏。如炎帝神農氏。如黃帝軒轅氏。如帝嚳高辛氏。如商湯。如仲丁。如外壬弟。如盤庚。如武乙。如周平王。皆莫不建都于河南。而中華之文明。即莫不以河南爲鼻祖。由是言之。謂河南爲中國第一名區。固非過言。即謂爲世界第一名區。亦非過言也。我客家福老均出自河南。其爲神明之種族。皇漢之貴胄。更何待言。所以宗法家。常謂我客家福老支派雖殊。源始則一。查各姓各家之族譜。無非出自三代以上。大聖大賢之嫡派。其詳細各有家譜。○文獻足稽。茲不贅言。其大畧有溯自三皇五帝者。有溯自禹湯文武者。有溯自伊周孔孟者。○典籍具在。足爲種族文明之徵。夫河南已爲世界第一名區。我客家福老又出自世界第一名區之河南。且爲大聖大賢之裔胄。謂我客家福老爲世界第一名族也。有何不可。

## 漢族客福之播遷一

漢族客福之播遷。起點於秦。發達於漢。蓋爲皇漢民族膨脹之始期。卽史家所謂皇漢民族。漸漸南下。遂佔勢力於中國本部者也。夫漢族自黃帝修德振兵。奠定中原以還。唐虞三代。日有發達。由北而南。民族漸下。至秦始皇喜功好武。命王翦統大兵定江南。平百越。立四郡。曰閩中。曰南海。曰桂林。曰象郡。閩中者。福建也。○福建之福老。於是濫觴焉。其時發兵五十萬屯南嶺。有史祿者留家揭嶺。其戍卒多留寓於潮州。揭嶺者。今潮州之揭陽也。潮州之福老。於是濫觴焉。及漢武帝使路德博平南越。揭陽令史定。首以縣降。史定者。史祿之後也。其時置九郡。曰南海。曰蒼梧。曰鬱林。曰合浦。曰交趾。曰九真。曰日南。曰珠崖。曰儋耳。蒼梧鬱林者。今廣西也。粵之客於是濫觴焉。珠崖儋耳者。今瓊州也。瓊之福於是濫觴焉。漢平以選。中原雲擾。孫氏父子。割據江南九郡八十一州之地。始集賢能。北方之士多依之。

以成業。楚兩江右之間。客於是濫觴焉。又據潮州民族攷。潮州于秦時已有中原民族。蓋秦時用謫戍民。潮州亦在其內。漢世徙民。雖不見於史乘。以意度之。必較秦爲多。故曰客福播遷。開始於秦。發達於漢。洵不誣矣。此爲客福播遷之第一期。

### ◎◎◎◎◎ 漢族客福之播遷二

自漢而晉而隋而唐。或因五胡之亂華。或因仕官之謫遣。或因黃巢之反叛。是中原民族之南下。皆爲悲哀之境而播遷。卽有陳元光之平漳州。亦非有雄關遠界者也。今試論之。林達泉先生有言曰。當東晉元嘉。五胡亂華。腥羶塞路。于是豪傑之士。冠帶之倫。相與挈家渡江。而匡扶王室。其時著姓。則有王謝之家。王謝者。河東之大原人也。自餘衣冠之族。則有八姓。若林邵胡何等族。俱入閩中。其他流民避亂江南。有司爲立南徐南司等州。謂之僑軍。故至今大埔等處。猶有屯穀之遺。昔州軍。今州縣。謂之僑。卽今言客耳。據廣東通志。謂客自福建來。其客家先由河南而至。

福建。再由福建而至廣東。然亦有自贛省而來。故惠州志。有水源福建之分。水源卽自東江發源之地。贛郡是也。又義熙中。以東宮五營置義招縣。亦以安暑流民。義招縣者。卽隋之萬川。今之大埔縣也。唐紀禍亂少息。則常以南方爲仕官謫居之地。韓愈詩云。「一封朝奏九重天。夕貶潮陽路八千。」此其例也。當是時。骨鯁之士。勵堅剛之氣。批龍鱗。撓虎鬚。置死生利害而不顧。故韓愈之謫居。而開文教於潮陽。洪氏以進士仕工部尙書。謫居潮州。覽潮陽之勝而家焉。他如陳元光之武功。趙德之文學。亦極一時之盛。當時固稱爲潮人。然其先實爲中原故族。而張文獻九齡。爲世居南雄珠璣巷之客人。以一身繫唐室之安危。更無倫矣。元光平漳州。其將卒悉河南人。設郡後。來者益衆。聚居城邑。土人畏之。稱爲河老。河者謂自河南遷來。老者因尊稱之而畏也。其族蕃衍遍播於福之漳泉興化間。以後普及潮瓊濱海之地。粵人以其衆皆來自福建。遂又名爲福老。夫溯福老之播遷。實非起于是時。而定福老之名稱。實則定於此日。其後與此音語同類者。悉以福老稱焉。唐末之亂。王潮陷漳州。其將

卒亦皆河南人。避亂之士。復多歸焉。如是則隋唐以上中原民族之播遷於南者甚衆。可以知矣。是爲漢族客福播遷之第二時期。

◎◎◎◎◎  
漢族客福之播遷三

唐代之後。迄於宋季。中原之亂最鉅。民族之禍最深。而客福之播遷。卽最盛焉。故攷客福來南之家譜。多起於宋代。考其祠宇故墓。稱爲始祖者。亦大都冠宋字。曰宋大始祖某某者。謂其自宋開基於南也。然稱宋代開基。亦有二原因之不同。一則自宋以前經已南來。因宋室播遷之故。起兵赴義。而更爲轉徙。一則宋時始由北方而來。舉義勤王。謀掃異族。因而落家者。蓋宋時金元強盛。宋室衰微。徽欽北狩。千古奇恥。其後金番迫前。元鞞迫後。及武穆殺。而金人席捲河北。文信罷。而元兵直擣臨安。恭宗皇帝。及皇太后全氏福王等。皆爲所擄。端宗皇帝卽位福州。而又爲元兵所迫。復走泉州潮州惠州。更走潮州之淺水灣。而奔山井澳。而海。而七里洋。而

岡州。端宗崩。帝昺立。乃遷崖山。元兵復來自海。與戰不利。投海而死。自北而來。赴義之忠臣義士。史稱軍兵七十萬之衆。民兵至三十萬之多。而淮兵更有萬人焉。其時如陸秀夫張世傑輩。則奉帝奔走。如文信國諸輩。則督諸路帥。畧江西汀州。屯漳州。梅州會昌。更走循州出海豐。又遣將趨贛。取甯郡零都。其自南方起兵赴義之忠臣義士。則有劉洙等。自江西起兵來會。而會文天祥者。則有吉贛諸兵。會趙晉者。則有東莞熊飛。且克復廣韶。防禦南雄。而夫自北來赴義之無數忠臣義士。已疾首痛心。不忍復北。爲所殘夷。南起者亦東奔西馳。不免流離而轉徙。故卽其所至之地。卽爲其所家之地焉。是以如福州。泉州。惠州。潮州。江西。汀州。漳州。梅州。海豐。韶州。南雄。廣州。凡宋室君臣播遷所及之地。卽爲客福聚族而居之地。要無非宋室之忠臣義士。舉義旗。敵異族。播遷以南者。故元韃入主中原。以客福受禍爲最深。亦以客福復仇爲最快。故相傳於八月十五。不約而同。共殺韃子。至今於其日飲酒以宴。留紀念焉。苟非有莫大之深仇。夫亦何至此哉。丁中丞雨生(名曰昌)曰。金元

鑿劃淮漢以北。驅以戎索。其隨故主而南。而不得北歸者。並散處於大江東西。五嶺南北。及帝駕播遷。其故臣遺民。益蔓延於南海之疆。與土人衡宇對望。迭爲賓主。或爲婚媾。長其子孫。其佔籍之多。聚族之衆。極一時之盛焉。亦足以見客福播遷。宋爲最盛。降至明末。李自成吳三桂張獻忠亂作。崇禎皇帝殉社稷於煤山。福王等俱避賊南下。其時忠臣義士。無不隨之而南。及福王執於南金。唐王死於福建。桂王執於緬甸。死於雲南。其時隨明君臣而來者。無家可歸。遂於明君臣所經之地。如楚南江右閩粵滇黔。亦莫不有聚族而居者焉。至鄭成功據台灣抗清。迨其子失敗。其遺衆更浮海而南。散於南洋羣島。是與宋室之播遷。無以異也。是爲漢族福客播遷之第三時期。

◎◎◎◎◎  
漢族客福之播遷四

客福之性。富於獨立。強於堅耐。故至清朝海禁大開。交通便利以來。遂有促其

雄飛世界之心。於是近海面者多殖民於南洋羣島。在腹地者則殖民於安南暹緬等處。考最近殖民政策。有暹邏國王鄭昭者。潮州人也。初流寓於暹。後仕至宰相。已而隱居南部。因緬王舉兵滅暹。鄭乃臥薪嘗胆。陰結國人。以圖光復。遂舉義與緬戰。三戰而三破之。盡復故地。暹民遂戴爲王。及薨而鄭華卽位。傳數世焉。又有英屬馬來半島。開闢殖民地之葉來者。歸善縣客家人也。初我華人利開錫礦。相率至西南土股營業。與土人衝突焉。柔佛王因而下令逐客。時葉君之族。居於是者三百人。推葉君爲統帥。與之抗戰。勝之。知其必將有以報也。更遣子弟歸故鄉。購軍械。募義勇。葉氏舉族萬人。皆渡海助戰。而鄰近村鄉應之者實繁有徒。至他邑之流寓其地者。亦莫不從之。凡血戰八年。卒定半島全疆之大半。惜無國力爲之後盾。至爲英人挾彼強大之力。而奪其領土主權。然葉氏之雄才大畧。亦可畏矣。彼二子者。固皆我客家福老之人也。他若三佛齋王張璉。潮州饒平人也。婆羅國王某。福建人也。戴燕國王吳元盛。嘉應州人也。昆甸國王羅大。亦嘉應州人也。菲律賓濱寓俠潘和五。福建人也。

合而言之。皆我客家福老之人。殖民於外者也。是知客家福老殖民之勢力。固不讓人先。而且有特出之豪傑。非他族所能及者。現其計播殖於外之人口。不下百數十萬。其年得之資財。不下數萬萬。夫我客家福老。尙未受學堂之教育。僑居外地。未得國家之保護。而尙能如是。豈非世界第一名族哉。嗟乎以神明之種族。皇漢之貴胄。若能加以學力。保以國勢。其雄飛於世界。可拭目俟之。不待言也。是爲漢族客福播遷之第四時期。

◎◎◎◎◎◎◎◎◎◎  
漢族客福語言之同異

客家福老之語言。其源則同。其流則異。同者何。其皆出自中原之河南。而不失其本來者是。異者何。其所播遷之時地不同。而爲後來之差別者是。蓋以語言之變化。由兩民族以上相異之語言相合而成者也。其相合時常能以多數民族之語言。同化少數民族之語言。此我客家福老語言同異之故。所由來也。何以言之。福老之來。在客家之

先。則土人必較多。土人多而來者少。且日與之同處。能不與之同化者幾何。此福老語言所以多雜土音也。客之南來在福老之後。後則土人必較少。土人少而來者多。卽日習於土音。亦不致爲所同化。此客家語言所以能存其舊也。有謂語言有由時代方域而變之二種不同。考客家語言。係由時代而變者。故其差異甚少。雖有稍異於南北正音。而終不失其本來言語。正如循吏林達泉先生所謂客於縣。而他縣之客同此音。客於府而他府之客同此音。於省於道莫不盡然。是稱客無殊。其音卽無以異。是客之音也。福老語言。則由方域而變者。雖極力保存其本來語言。究難免爲他種語言所變化。蓋轉徙較先。與土人雜處較繁。故其音韻之訛轉歧出。誠有大不相同者。是福之音也。由此觀之。客福語言。一因時代。一因方域。正與同化之義同。亦與孟子之言無異。孟子謂戴不勝曰。有楚大夫於此。欲其子之齊語也。則使齊人傳諸。楚人傳諸。曰使齊人傳之。曰一齊人傳人。聚楚人咻之。雖日撻而求其齊。不可得矣。引而置之莊嶽之間數年。雖日撻而求其楚。亦不可得矣。於此如福之聚族。在土人多數之地。

○猶在莊嶽之間也。客之聚族。在土人少數之地。猶一人傳而衆人誦也。其歧異又何足怪哉。所以陳京卿蘭甫（名澧）謂客家語言。多隋漢古音。黃京卿公度（名遵憲）謂未有正音以前。先有客語。蓋客家爲河南光州固始之民。故今客家人會聚光州者。云客之語言。與光州光山縣音調無異。又河南光州之民有來者。與之語。亦無不同。至顧老語言。雖雜上音者甚多。而能保本來者亦復不少。如呼五爲訛。卽五字音之轉。呼父爲罷。卽爸爸音之轉。亦卽古音父字之轉也。呼母爲嫻。卽古楚人之語。呼子爲孛。本於三代之言。呼小兒曰娣。見於玉篇。呼勺爲櫛。正楊子方言之所遺。讀狗如羔。同東齊遼東之轉語。畧舉一隅。以見其概。則福老語言。雖不無土客之混雜。而中原之古音多有存者。是客家福老之語言。同出於河南之鐵證也。夫中國之語言同不同。不當問其音。當問其韻。若問其音。客家福老固不同于廣府。卽廣府之音。又何常同于江浙。江浙之音。又何常同于燕魯哉。但音雖有差。而韻實無異。故任取詩韻之一字。于其本韻。能依其音貫通其本韻全韻之字者。則其語言出于同源。不問其爲燕魯

○亦不問其爲江浙。更不問其爲廣府福老客家。否則如歐美之語言。固不能通中國之詩韻。卽苗獠獠獠之語言。又何能通中國之詩韻哉。是以林達泉先生云。客家束髮而授語孟。其音卽與部頒之韻。不相逕庭。又云官音爲當代之聲音，客音爲先民之遺韻。故自無間。於是則益以見客家福老之語言。其源則同。其流則異也。

### ◎◎◎◎◎ 漢族客福土地之區別

中國民族北混於外夷。南混於苗獠獠獠之土人。故各省語言大致雖不差。要無小變。至廣東人民由北播遷而來者。始於秦漢。其最先來者擇適中之地而居。土地既肥。交通復便。與土人接觸亦最先。其音調自與中原不同。是爲今日之廣府語。福老之播遷以唐爲多。其時適中之地雖爲廣府語人所占。而沿海肥饒之地猶堪安居樂業。故福老之人處焉。如福州。廈門。汕頭。海豐。陸豐。中山（中山之南明語卽福音之一種）雷州。瓊州。可一一數也。各家之來多宋末。播遷南來最後。在勢肥饒之地已

不可得。不能不居貧瘠之地。亦以扶宋失敗。元朝欲得而甘心。尤非入山惟恐不深。入林惟恐不密不可。因之而釀成客家之風俗焉。客家婦女悉天足。而笑客家者多謂客家男子在家拘嬰孩。婦女出外任耕種。實則悉源於此。蓋元朝已欲得扶宋之客家而甘心。自特別注意其男子。則男子不能出外耕種。其實不能不由婦女代之。婦女已外出負耕種之責。勢必還其天足。而男子亦即不能不在家代婦女抱其嬰孩。舉必至理固然也。而客家之婦女復於其時留一歷史遺跡焉。相傳元兵追宋帝昺坐舟。將及。操舟之男子委之而逃。適有樵採之客家婦女持担杆鎌刀。蜂蠶而來。元兵以爲伏兵至。且以女子皆從軍。懼而退。帝昺之舟卒由此婦女曳之出險。帝昺遂封賜客家婦女。不論其夫有無官職。死後悉稱傷人。相沿至今不改。黃京卿公度詩註中嘗引其事。客家婦女之髻狀至怪。有船身船篷船槳船篙等等。相傳亦帝昺于坐舟脫險時所封賜。最近客家主張改婦女髻者。其婦女以出自皇帝封賜。不肯改。後有人曉之曰。亡國皇帝所封不足貴。始逐漸改變焉。娶之客福之播遷。以五胡金元之變亂爲最多。太部迫於異族之

禍。避居而南。有愛國之心。而懷亡國之痛。不忍視上國衣冠淪于夷狄。相率中原士夫。適彼樂土。在閩粵之客福固如是。即在楚南江右滇黔等處之客福亦罔不如是。福老之播遷在唐時多。其時異族之禍輕。輕則避地于海濱而已足。客家家播遷多在宋。其時異族之禍烈。烈則避地于深山乃得安。林達泉先生云土籍（此土籍二字係指廣府語人）于先。客籍于後。而福亦在客先。先則擇肥而樂瘠。福則取其所棄而無暇于擇。亦福老居海。客家居山之原因也。嗟嗟隱首陽而恥食周粟。尋桃源而遠遠避秦威。周之頑民。殷之忠臣。豈無爲而爲歟。必不然者。

## 結論

嘗考客家福老出自河南。河南在華夏之中。是客福爲漢之嫡裔。于漢族客福之原始詳之。不待言也。至客家福老遷播之時期有四。第一時期始于秦漢之用兵。盛于孫氏之招賢。第二時期疾五胡之亂華。避黃巢之反叛。趨而南下。第三時期則宋明忠義

之士。奉故主南奔而不返。第四時期則擴充勢力於南洋羣島。安南緬甸等處。他如避地避世之故。言語同異之辨。均載篇章。各有專論在。統而言之。大江以北。無所謂客。無所謂福。北即客之士。福之源也。大江以南。客無異客。客爲土之偶。福爲河之稱也。客家之對。則爲主人。福老之稱。原爲河老。故今之言土客。猶世之言主客。今之言福老。猶古稱河老。土客之分。即主客之分。福老之稱。即河老稱之也。準此而談。則客家福老。今日所安居之地。即爲中原民族當日所播遷之地。無可疑者。然據林達泉先生謂客家之源流。托始于漢季。盛于東晉六朝。而極于南宋。福老則始于秦漢。盛于晉唐。而極于南宋。蓋當漢以前。聞自河南來者其數少。少則自不覺。而名義之界不立焉。在漢以後。自河南來者爲數多。多則團體大。而名義之界乃定。然禮月令云。鴻雁來賓。賓之爲言客也。鴻雁產于北。而來於南。故曰賓也。其于客也亦然。始產于北。而僑于南。故謂之客。其于福也亦然。皆自北而南者也。而觀夫其播遷之由來。由浙江而閩粵者有焉。由江西而閩粵者有焉。由湖南而廣西者有焉。

由四川而雲貴者有焉。而今之楚南江右滇黔閩粵之客家福老。皆當日所播遷之中原漢族也。又有由閩粵而南洋羣島。而安南暹緬等處者。即今擴充勢力于海外及鄰疆等處之客家福老者也。故林達泉先生謂客之先皆北產。居豐鎬河洛齊魯之交。或爲帝爲王之胄。或爲侯伯之裔。或爲耕鑿之民。皆涵濡沐浴于禮樂之澤。而福亦猶是也。福之先在河南。古之豐鎬河洛齊魯之交。即今河南等處之地也。是則我客家福老。已出自世界第一名區之河南。而爲世界第一名族之人物。常何以循其名。而副其實。以今日種族競爭時代。我同胞固當踴躍爭先。以副世界之望。致異日功成奏凱。觀世界文明種族而上之。亦不過循吾定分。還吾家之故有物而已。又奚足多者哉。是在同胞勿放棄焉耳。

民國紀元前六年。黃君晦聞編廣東鄉土歷史地理。詆客家福老爲非漢種。魯乃聯全粵客福所隸數十縣勸學所。與之辯正。并止其出版。事竣。搜集事實。編爲是書。中經濟室載恬那拉氏之死。謀義舉。恐散失。乃囑張君煊終其事。

○越二年由南洋同人。集資印發。幾經變故。篋箱中竟無原書存在。自大同會成立。歷次來索。苦無以應。卒由丘仙根（名逢甲）先生令弟兆甲。寄來一本。復閱一次。深愧當時旅次中。倉卒棄筆。諸多不洽。且文字之中多提倡民族主義。行文復不免有偏于感情處。然一時又未能修改。姑照原書抄出一份。報命大同會諸公。幸賜匡正。無任切禱。

中華民國十一年四月

鄒魯謹識

附識

此書是鄒校長海濱先生曩年與張俞人（名煊）先生合著的。曾經印行。惜存者多缺。獨敎務處蕭主任冠英先生仍保存一本。予見此書。與民族甚鉅。乃為之付印。以廣流傳。

中華民國廿四年七月廿四日 印刷

國立中山大學出版部



著者

張鄒

煊魯

印刷所

新啓明印務公司

廣州市大新路

門牌一一八號

發行部

國立中山大學出版部

# 53  
274227

274227